

# Tuttina 50 cas en in onn

## Tusaun: Nov center da commando per il traffic

DA GION NUTEGN STGIER / ANR

■ Dapi il schaner è la nova centrala da commando da l'Uffizi da construcziun bassa dal Grischun en funcziun. Ier ha il chantun preschentà quella als represchentants da las medias. Quel manaschi procura 24 uras per la sigerezza sin las vias naziunalas e chantunalas.

L'incumbensa da realisar ina nova centrala da commando per survegliar il traffic e cunzunt per procurar per la sigerezza sin las vias da noss chantun ha l'Uffizi da construcziun bassa dal Grischun survegnì da l'uffizi federal per vias Astra. Integrada è quella centrala vegnida a Tusaun en l'edifici dal district 7 da l'Uffizi da construcziun bassa dal Grischun. Ils custs per il manaschi da 24 uras vegnan surpigliads cuminaivlamain da la confederaziun e dal chantun. Dapi il schaner è la centrala da commando a Tusaun en funcziun ed actualmain occupa quella sis umens. Survegliada vegn quella da di e da notg e per la controlla dal traffic stattan a disposiziun ils pli moderns meds.

### En media 6000 autos per di

La collavuraziun tranter la nova centrala da commando, la polizia chantunala ed ils pumpiers locals, en spezial il corp da pumpiers da San Bernardin, saja indispensabla, ha ditg *Reto Knuchel*, il nov inschignier chantunal da l'Uffizi da construcziun bassa dal Grischun. Il traject principal da survegliaziun è la via naziunala 13, da Maiavilla fin Roveredo e la controlla gronda giascha tar il tunnel dal San Bernardin. En media van mintga di 6000 autos tras quel tunnel. Sco quai che Reto Knuchel ha ditg hajan ins en in onn 50 cas urgents, saja quai pervia dad in



Il responsabels da l'Uffizi da construcziun bassa dal Grischun e da la nova centrala da commando han infurmà ier las medias sco che quai funcziuna en in cas urgent tecnic sin nossas vias. (davos da san.) **Martin Jenal**, manader tecnic, **Sady Anotta**, manader da la centrala e **Reto Knuchel**, inschignier chantunal da l'uffizi da construcziun bassa dal Grischun.

FOTO G. N. STGIER

donn dad in conduct, in auto che arda, ubain auters incaps en il tunnel e sin il traject da la «N 13» tranter Maiavilla e Roveredo. Da nov vegnan dentant er annunziads a la centrala da commando a Tusaun incaps tecnicos che succedan sin las vias chantunalas. Il post da commando fa lura la coordinaziun, saja quai cun ils corps da pumpiers locals ubain direct cun ils responsabels dals set districts da l'Uffizi da construcziun bassa dal Grischun.

### 350 cameras e 50 tunnels

En cas d'eveniments sustegna la centrala da commando la centrala d'acziuns da la polizia chantunala sco er ils pumpiers, tranter quels er il cumbar cunter donns en il rom da lur acziuns.

Uschia pon las organisaziuns a glisch blava sa fidar d'ina partenaria cumpetenta che surveglia ils sistems tecnicos cumplexs dals 50 tunnels e che adapta quels – en enclegientscha cun ils auters posts – a las pretensiuns situaziunalas respectivas. Il sistem chantunal directiv permetta – ensem cun la surveglianza cumplexsiva da video, cun total 350 cameras, da las vias e dals tunnels – als operaturs da la centrala da commando da survegliar permanentain tut la rait da vias dal chantun Grischun areguard la tecnica ed il mantegniment da las vias.

Ina impressiun da la centrala da commando dat in nov video da la chanzlia chantunala dal Grischun sut [www.gr.ch](http://www.gr.ch).